

**UNDANG-UNDANG KECIL**  
**KEBERSIHAN AWAM**  
**MAJLIS DAERAH BESUT**  
**1988**

**TR. P.U. 9**  
BIL. 14/1989  
TARIKH 06 JULAI 1989



NEGERI TERENGGANU DARUL IMAN

# Warta Kerajaan

DITERBITKAN DENGAN KUASA

GOVERNMENT OF TERENGGANU DARUL IMAN GAZETTE

PUBLISHED BY AUTHORITY

Jil. 42  
Bil. 14

6hb Julai 1989

TAMBAHAN No. 7  
PERUNDANGAN

Tr. P.U. 9.

## AKTA KERAJAAN TEMPATAN 1976

### UNDANG-UNDANG KECIL KEBERSIHAN AWAM (MAJLIS DAERAH BESUT) 1988

PADA menjalankan kuasa-kuasa yang diberi oleh seksyen-seksyen 73 dan 102 Akta Kerajaan Tempatan 1976, Majlis Daerah Besut dengan ini membuat dan menurut seksyen 103 Akta ini, Pihak Berkuasa Negeri dengan ini mengesahkan Undang-undang Kecil tersebut seperti berikut: Akta 171.

1. Undang-undang kecil ini bolehlah dinamakan **Undang-Undang Kecil Kebersihan Awam (Majlis Daerah Besut) 1988** dan hendaklah mula berkuatkuasa pada tarikh ia disiarkan dalam *Warta*. Nama dan mula berkuatkuasa.

2. Dalam Undang-undang kecil ini, melainkan jika kandungan ayatnya menghendaki makna yang lain— Tafsiran.

“bekas penyimpan sampah-sarap awam” ertinya bekas sampah-sarap yang dibekalkan oleh Majlis untuk tujuan meletakkan sampah-sarap oleh pekerja Majlis;

“bekas penyimpan sampah-sarap rumah kediaman” ertinya bekas penyimpan sampah-sarap yang dibekalkan oleh tuan rumah untuk tujuan meletakkan sampah-sarap tempat kediaman;

“jalan awam” ertinya mana-mana jalan di mana orang awam mempunyai hak melaluinya yang mana atau yang selalu dibaiki atau dijaga oleh Majlis atau yang telah diberi atau yang telah diletak hak kepadanya di bawah mana-mana undang-undang berkuatkuasa pada masa itu atau dengan apa-apa cara yang lain;

“kemudahan awam” ertinya tandas-tandas, tandas kencing, tandas-tarik, tempat basuh tangan, tangki air, tempat mandi yang akan diisytiharkan oleh Majlis dari masa ke semasa;



"lebu" termasuklah sesuatu jalan, medan, siar-kaki, jalan lalu atau jalan susur, sama ada jalan tembus atau tidak, di atas mana orang ramai berhak lalu dan juga jalan di atas sesuatu jambatan, dan juga termasuklah sesuatu jalan, siar-kaki atau jalan lalu, halaman terbuka atau jalan kecil terbuka, yang digunakan atau dicadang untuk digunakan sebagai suatu jalan masuk kepada dua buah pegangan atau lebih, sama ada orang ramai berhak lalu di atasnya atau tidak, dan semua saluran parit dan longkang di sisi mana-mana lebu hendaklah disifatkan sebagai sebahagian daripada lebu itu;

"Majlis" ertinya Majlis Daerah Besut;

"premis" termasuklah rumah kediaman, bangunan, tanah, esamen, mana-mana hakmilik turun-temurun, sama ada terbuka atau tertutup, sama ada dibina di atasnya atau tidak, sama ada yang awam atau persendirian dan sama ada dijaga atau tidak oleh Pihak Berkuasa;

"sampah-sarap kandang" ertinya najis atau air kencing kuda, biri-biri, kambing, kerbau, lembu atau babi dan kotoran atau sampah-sarap atau pengaliran dari mana-mana kandang, atau bangsal kerbau lembu atau tempat-tempat memelihara biri-biri, kambing, kerbau, lembu, babi, ternakan-ternakan atau mana-mana binatang lain;

"sampah-sarap kebun" ertinya sampah-sarap dari kebun dan aktiviti pertanian;

"sampah-sarap perdagangan" ertinya sampah-sarap mana-mana perdagangan, pengeluaran atau perniagaan atau dari apa-apa kendalian bangunan;

"sampah-sarap tempat kediaman" ertinya sampah-sarap yang terjadi akibat dari aktiviti rumahtangga dan tidak termasuk 'sampah-sarap perdagangan', 'sampah-sarap kebun' atau 'sampah-sarap kandang';

"siar-kaki" ertinya termasuk kaki-lima, jalan-jalan dan beranda di tepi-tepi jalan;

Perkataan-perkataan "Tempat Awam", "Yang Dipertua" hendaklah mempunyai makna yang sama seperti yang diertikan di bawah seksyen 2, Akta Kerajaan Tempatan 1976.

Akta 171.

Meletak sampah-sarap di atas lebu.

Sampah-sarap tempat kediaman.

3. Tiada sampah-sarap, kotoran, atau apa-apa benda boleh diletak di atas lebu, jalan atau tempat awam kecuali mengikut cara yang diperuntukkan selepas daripada ini.

4. (1) Setiap penghuni mana-mana premis hendaklah mengadakan sebilangan yang cukup akan bekas menyimpan sampah-sarap yang bertutup, untuk menyimpan sampah-sarap dari premis. Bekas ini hendaklah diperbuat dari apa-apa bahan dan berukuran sebagaimana yang dibenarkan oleh Yang Dipertua.

(2) Semua sampah-sarap dari premis yang telah terlebih dahulu diisikan ke dalam sarung plastik dan diikatkan dengan sempurna, hendaklah diletakkan ke dalam bekas sampah-sarap dan bekas ini hendaklah diletak, sama ada di sisi premis atau di tepi kaki-lima atau di pintu pagar premis atau di suatu tempat yang sesuai atau di ruang sampah-sarap seperti yang dikehendaki oleh Majlis supaya ianya boleh dikosongkan oleh pekerja Majlis. Di mana saluran sampah-sarap dibekalkan, sampah-sarap itu hendaklah diletakkan ke dalam saluran itu.

5. Majlis boleh menghendaki pemunya mana-mana bangunan yang lebih dari satu tingkat menyediakan dengan secukupnya saluran sampah-sarap, alat dan ruang untuk sampah-sarap yang sesuai ukurannya.

Saluran sampah-sarap

6. Tiada seorang pun yang tidak diberi kebenaran boleh mencakar atau menggali di dalam atau mengalih apa-apa daripada atau menumpah atau menyelerakkan atau membiarkan terdedah mana-mana kandungan mana-mana bekas sampah persendirian yang diletak di mana-mana beranda atau mana-mana muka pintu atau pintu pagar atau di mana-mana lebuah atau jalan belakang.

Menggali dari bekas sampah Majlis.

7. Majlis boleh menyebabkan diadakan di tempat yang sesuai dan selesa seberapa banyak bekas penyimpan sampah-sarap yang boleh dialih atau yang kekal di mana di dalamnya debu, kotoran, abu dan sampah yang dipungut oleh kenderaannya daripada bekas penyimpanan sampah-sarap tempat kediaman boleh diletak secara sementara.

Bekas penyimpan sampah-sarap awam.

8. Tiada seorang boleh meletakkan najis, tahi atau sampah-sarap kebun atau kandang atau bangkai atau mayat di dalam bekas penyimpan sampah-sarap tempat kediaman atau awam.

Sampah-sarap yang dilarang.

9. Majlis boleh pada bila-bila masa mengenakan untuk semua premis di dalam sesuatu kawasan atau kawasan-kawasan yang dari masa ke masa dinyatakan olehnya untuk tujuan ini mana-mana sistem yang difikirkan munasabah olehnya untuk memungut dan mengalih oleh Majlis najis, debu, kotoran, abu, sampah-sarap, sisa-sisa dan lain-lain sampah-sarap dari premis-premis ini dan boleh menentukan bayaran-bayaran yang dikenakan berkaitan dengan pungutan dan pengalihan itu.

Sistem pengaliran.

10. Tiada seorang pun yang tidak diberi kebenaran boleh mencakar atau menggali di dalam atau mengalih apa-apa sahaja benda dari sampah-sarap yang ditempatkan di dalam mana-mana tempat membuang sampah Majlis.

Menggali tempat membuang sampah.

11. Tiada seorang pun yang tidak diberi kebenaran boleh meletakkan apa-apa di dalam atau mana-mana tempat membuang sampah Majlis.

Mengguna tempat membuang sampah Majlis.

12. Tiada seorang pun boleh merendam atau membasuh atau membenarkan pekerjaanya atau anggota rumahnya di bawah kawalannya merendam atau membasuh di dalam mana-mana sungai, terusan, tangki awam, longkang, parit atau anak sungai mana-mana kulit haiwan, pakaian yang bercelup atau lain-lain bahan yang berkemungkinan menjadikan air sungai, terusan, longkang, parit atau alurair itu berbau busuk atau merbahaya dan tiada seorang pun boleh tanpa kebenaran Yang Dipertua secara bertulis membiarkan mana-mana air di mana di dalamnya kulit binatang, pakaian yang bercelup atau benda-benda lain yang telah direndam atau di basuh mengalir atau menyalur ke dalam mana-mana sungai, terusan, tangki awam, longkang, parit atau alur-alur.

Pencemaran sungai dll.

13. Tiada seorang boleh meletakkan atau membenarkan pekerja atau anggota rumahnya di bawah kawalannya meletakkan mana-mana tanah, habuk kayu, najis, air kencing, sampah-sarap kebun, kotoran atau apa-apa jenis bahan di atas mana-mana lebuah, tempat awam atau lorong belakang, ke dalam mana-mana longkang atau ke dalam atau di atas kawasan lapang atau tanah di mana orang awam boleh melaluinya atau ke dalam atau di atas tebing mana-mana sungai, terusan, alurair atau ke dalam atau ke atas mana tepian pantai.

Pengotoran.



binatang, bulu burung, tulang-tulang, kayu api atau apa-apa benda lain di atas mana-mana pagar pohon, pagar, susuran tangga, pagar papan di sekeliling dinding atau bangunan awam atau kepunyaan Majlis atau di atas tebing mana-mana sungai, terusan, parit atau longkang atau lorong belakang atau di atas mana-mana tanah lapang di mana orang ramai dapat melaluinya.

Bangkai binatang.

30. Tiada bangkai binatang boleh dipotong di atas mana-mana lebu, tempat awam atau lorong belakang.

Pembinaan longkang di jalan awam dll.

31. Tiada seorang pun boleh membina apa-apa saluran atau membawa air melalui apa-apa saluran merintang laluan awam kecuali dengan cara yang terlebih dahulu mesti diluluskan oleh Majlis secara bertulis dan tiada seorang pun boleh mengubah mana-mana kali awam atau alir air di dalam kawasan Majlis untuk tujuan apa-apa pun tanpa kebenaran bertulis oleh Majlis terlebih dahulu.

Pelekat tidak boleh ditampal tanpa kebenaran.

32. Tiada seorang pun boleh dengan sendirinya atau ejennya atau pekerjaanya tanpa kebenaran bertulis Majlis terlebih dahulu menampal apa-apa iklan, pelekat, notis atau apa-apa kertas pada atau di mana-mana bangunan, tembok, pagar susuran tangga, pagar pohon, tiang atau pokok dengan kapur cat atau dengan apa cara sekalipun. Apa-apa tambahan yang tidak dibenarkan, kerosakan atau tanda boleh dialih oleh Majlis dan perbelanjaan yang dikenakan oleh kerananya hendaklah dibayar oleh orang yang telah ingkar itu.

Pengalihan najis.

33. (1) Tiada seorang pun selain dari pekerja yang dibenarkan atau ejen Majlis boleh tanpa kebenaran bertulis Majlis terlebih dahulu mengalih najis dari mana-mana tandas yang terletak di dalam kawasan di mana sistem pengalihan najis dipakai oleh Majlis.

Tandas.

(2) Pemunya mana-mana tandas hendaklah, jika dikehendaki oleh Yang Dipertua membina dan mengatur semula tandas itu sehingga memuaskan hati Yang Dipertua.

(3) Penghuni sebuah rumah hendaklah, jika dikehendaki secara bertulis oleh Yang Dipertua, mengadakan atau membaharui baldi tandas dan alat-alat yang lain yang ukuran, bentuk dan bahan seperti yang dinyatakan oleh Yang Dipertua. Tandas, baldi dan bahan-bahan yang lain boleh disediakan atau diperbaharui oleh Majlis dengan perbelanjaan penghuni yang dibekalkan bila penghuni itu telah gagal untuk menyediakan atau membaharuinya di dalam tempoh yang ditentukan oleh Yang Dipertua secara bertulis.

(4) Kemasukan secara bebas hendaklah dibenarkan ke setiap rumah dan bangunan di dalam kawasan pengalihan najis kepada ejen-ejen dan pekerja-pekerja Majlis untuk tujuan memungut dan mengalih najis di antara 6.00 pagi hingga 6.00 petang.

Mandi, membasuh pakaian dan kenderaan di tempat awam.

34. (1) Tiada seorang pun boleh menggunakan mana-mana tempat kemudahan awam untuk tujuan membasuh pakaian dan kenderaan.

(2) Tiada seorang pun boleh mandi di dalam tempat kemudahan awam kecuali di tempat mandi yang dikhususkan untuk tujuan itu.

Pengkhianatan.

35. Tiada seorang pun boleh merosakkan atau membuat apa-apa perubahan terhadap bangunan, alat-alat atau paip air di dalam mana-mana tempat kemudahan awam atau mencuri darinya apa-apa yang menjadi sebahagian dari kemudahan itu.

36. Tiada seorang pun yang tidak diberi kebenaran boleh mengambil air untuk apa-apa tujuan sekalipun dari mana-mana tempat kemudahan awam.

Air dari tempat kemudahan awam.

37. Sesiapa yang menjadi pemunya atau orang yang mempunyai kawalan ke atas mana-mana lembu, kerbau, keldai, biri-biri, kambing atau babi membenarkan binatang itu berada di atas mana-mana lebuah di dalam had kawasan Majlis atau membawa atau menyebabkan dibawa mana-mana binatang itu tinggal berada di atas mana-mana lebuah atau mana-mana tempat awam atau harta persendirian di dalam kawasan Majlis adalah bersalah melakukan satu kesalahan di bawah Undang-undang Kecil ini.

Binatang di sepanjang lebuah dll.

38. Tiada najis, air kencing, ikan yang reput, bahan binatang yang busuk atau beras yang reput atau benda-benda lain yang mengeluarkan bau busuk boleh dibawa sepanjang atau di atas mana-mana lebuah di dalam kawasan Majlis melainkan di dalam bekas yang kedap udara dan kedap air yang diluluskan oleh Majlis.

Pengalihan benda yang mengeluarkan bau busuk.

39. Setiap orang yang mengalih mana-mana benda yang mengeluarkan bau busuk hendaklah menyediakan bekas itu dengan perbelanjaan mereka sendiri. Tiada bekas itu yang mengandungi benda yang mengeluarkan bau busuk itu boleh dibawa melau, di sepanjang atau di atas mana-mana lebuah di dalam kawasan Majlis kecuali bekas itu dikedap air dan bebas dari lubang-lubang dari mana kandungannya atau bau busuk boleh terlepas keluar dan kecuali penutup bekas itu ditutup dengan sempurna.

Orang yang mengalih benda yang mengeluarkan bau busuk.

40. Seseorang yang melanggar mana-mana Undang-undang Kecil ini adalah bersalah atas suatu kesalahan dan apabila disabitkan boleh dikenakan denda tidak lebih daripada dua ribu ringgit atau penjara selama tempoh tidak lebih daripada satu tahun atau denda dan penjara itu kedua-duanya dan mengenai sesuatu kesalahan yang berterusan boleh dikenakan denda tidak lebih daripada dua ratus ringgit bagi tiap-tiap satu hari selama tempoh kesalahan itu diteruskan selepas sabitan.

Penalti.

41. (1) Bayaran untuk mengalih sampah-sarap tempat kediaman, sampah-sarap perdagangan, sampah-sarap kebun atau sampah-sarap kandang atau untuk meletakkan apa-apa benda di dalam atau di atas mana-mana "tempat pembuangan sampah Majlis" atau menghisap najis hendaklah seperti di dalam Jadual tetapi Majlis boleh memindanya dari masa ke semasa.

Bayaran.

(2) Semua kutipan hendaklah menjadi sebahagian daripada Kumpulan Wang Majlis Daerah Besut.

JADUAL

(Undang-Undang Kecil 41 (1))

1. Mengangkat sampah

(a) Bangunan kedai dan rumah kedai

(i) Keluasan 100 meter persegi atau kurang	... ..	\$ 6.00 sebulan
(ii) Keluasan 101 meter persegi atau lebih	... ..	\$10.00 sebulan
(b) Bangunan kediaman	... ..	\$ 3.00 sebulan



- (c) Perusahaan ... .. \$20.00 sebulan
- (d) Kompleks perniagaan ... .. \$30.00 sebulan
- (e) Hotel
  - (i) Kurang dari 10 bilik ... .. \$10.00 sebulan
  - (ii) Tambahan bagi tiap-tiap bilik ... \$ 1.00 sebulan
- (f) Tempat untuk lain-lain kegunaan ... \$ 3.00 hingga \$200.00 sebulan atau sehari.

2. Hisap najis

- (a) Bayaran pemeriksaan ... .. \$30.00
- (b) Bayaran hisap najis
  - (i) Dalam kawasan Majlis ... .. \$40.00 seterip
  - (ii) Di luar kawasan Majlis ... .. \$40.00 seterip dan dikenakan bayaran perjalanannya \$ 2.00 bagi tiap-tiap satu kilometer.

Diperbuat oleh Majlis Daerah Besut di dalam mesyuarat pada 29 Jun 1988.

[MDB. 027/SJ.6]

ABDULLAH BIN MUHAMMAD,

*Yang Dipertua,*

*Majlis Daerah Besut*

Disahkan oleh Pihak Berkuasa Negeri di dalam mesyuarat pada 12 April 1989.

Bertarikh: 26 April 1989.

[SUK. TR. 1200/352/4; PUN. TR. 70 Bhg. 3]

WAN ISA BIN LONG,

*Setiausaha,*

*Majlis Mesyuarat Kerajaan Negeri,*

*Terengganu*